



DEMOKRATSKA FRONTA BOSNE I HERCEGOVINE

Adresa: Radićeva 8

Tel: 033 710 400

Web: www.dfsarajevo.ba

E-mail: sekretarijat@fronta.ba

**PREMIJER VLADE KANTONA SARAJEVO
MINISTARSTVO ZA ODGOJ I OBRAZOVANJE KANTONA SARAJEVO**

PREDMET: Zastupnička inicijativa - hitno

Upućujem inicijativu radi hitnog rješavanja iznimno problematične situacije u JU 'Djeca Sarajeva' koja se odnosi na način prijave i upisa djece u vrtić, kao i načina rezervisanja mjesta za djecu koja su ranije koristila usluge vrtića. Na terenu se susrećemo sa ozbiljnim poremećajem rada sistema EMIS programa koji je doveo do situacije da mnogobrojni roditelji nisu uspjeli izvršiti rezervaciju mjesta i upis svoje djece u vrtiće. S tim u vezi tražim hitno preispitivanje online upisa kroz EMIS program koji proizvodi nevolje i probleme kako roditeljima tako i uposlenicima JU 'Djeca Sarajeva'. Očigledno je da u procesu ove reforme na terenu postoje ozbiljni propusti i ovakvi poremećaji nepovoljno utiču na porodicu, našu djecu i ugrožavaju radna mjesta uposlenika JU 'Djeca Sarajeva' što je nedopustivo. Prednosti koje se nude u vrtićima kao što su socijalizacija, emocionalni i intelektualni rast djeteta su benefiti važni za dobrobit naše djece u kasnijoj dobi i nemamo pravo odvojiti našu djecu od mogućnosti za njihov napredniji razvoj. Dobrobit djeteta mora biti naš prioritet.

Obrazloženje:

Samostalni sindikat osnovnog obrazovanja i odgoja FBiH - Kantonalni odbor KS uputio je Zahtjev resornom ministarstvu radi hitnog rješavanja ovog problema i ova inicijativa ujedno je i podrška kako bi se odmah i bez odlaganja pristupilo utvrđivanju razloga nastanka ovakve situacije i kako bi se kreirali novi uslova koji će omogućiti normalizaciju načina prijave i upisa djece u vrtić. Neophodno je stvoriti povoljan radni ambijent za sve uposlenike JU 'Djeca Sarajeva' kroz alate i programe koji se nameću tokom njihovog rada. Nema prostora aktivnostima koje mogu na bilo koji način ugroziti radna mjesta ili roditelje dovesti u nepovoljan položaj i odvojiti djecu od odgojnih mjera propisanih zakonom.

U Sarajevu,
04.08. 2023 godine

Marijela Hašimbegović dia
zastupnica